

經部

ヨール山地 Ī 為河間獻王 則竄亂移補 書而已考 能 司

名クレノニョー・「シスーン禮類 || 疏四十| 異 語可推琴文句而談本漢唐之注疏而佐以宋 蓋得其節文乃可推制作之精意不比孝經論 雜禮書六目之中各以時代為先後庶源流 僅摭其好引馘緯一 日周禮日儀禮日禮記日三禮總義白通禮 儒之義理亦無可疑也謹以類區分定為六 賈公彦孔緑達疏於名物度數特詳朱儒攻 可此 九而考焉 老两两 失至其訓詁則弗能踰 越 同

次宣四軍全替惠目 一卷十 七 雅部 也 顯慶開元禮預為之以待他日之用其實未嘗行 成歸豐而實未嘗行葢周公之爲周禮亦猶唐之 鄭樵通志引孫處之言曰周公居攝六年之後書 錄日周禮是的當之書然其問必有求世增入者 儒學傳周禮一書上自河間獻王於諸經之中其 出最晚其真偽亦紛如聚訟不可獲舉惟橫渠 漢鄭元注唐賈公彦疏元有易注已著鐐公彦浴 惟其未經行故僅述大暑俟其臨事而損益之 **汞年人系橡中官至太學博士事迹具舊唐書** 

乃梅蹟古文尚 追述皆不足 制之沿革政典之損益除舊布新 為近之然亦未盡也夫周禮作於周初而周事 成孟子合設官之 可考者不過春秋以後其東遷以前三百餘年官 故建都之制不與召語洛語合封國之制不與 成康未遠不過因其舊章稍為改易而改易之 不皆周公也於是以後世之法 シラ 以尚顯紫 為書相此 難王外條 制不與周官合 其制異所 蓋漢禹惟 離文 貢召 合帝乃許

所之 其 前 間 盂

官子與

鼠入之其書遂

不知凡幾其

17.

135

次三日主人共馬三 人名十七經報 **僞六官** 刖 既更簡 仍存此又如開元六典政和五禮在當代 偽者必剽取舊文借與者以實其隱古文尚書 删之迹遂靡 則必有所附益特世近者可考年遠者無徵其 **遂廢此亦如後世律令條格率數十年** 雜其後去之愈遠時移勢變不可行者 而今日尚有傳本不足異也使其作 而必關其 編 猶在好古者留為文獻故其書 所稽統以為周公之舊耳迨乎法 至以干金購之不得哉 :偽何不 而 漸多其書 阅 一修修 Í 丽 制

1.1 與司几筵之文不同如斯之類與二禮多相矛 子男執圭與典瑞之文不同禮器天子諸侯席 實動壺州雞之列與掌容之文不同又大射禮天 **聘禮質行饔饓之物禾米芻薪之數籩豆簠簋之** 四十九篇亦在劉向所錄二百十四篇中而儀 儀禮十七篇皆在七畧所載古經七十篇中禮記 也劉歆宗左傳而左傳所云禮經皆不見於周禮 子諸侯侯數侯制與司射之文不同禮記雜記 ノと言う 果贋託周公為此書又何難牽就其文使與 ピノー ご聴寒 大三日草子、原目 彩一山 經 僧虔僧虔曰是科斗書者工記則其為秦以前書 泰封於孝王時其非周公之舊典已無疑義南齊 青絲編簡廣數分長二尺有奇得十餘簡以示 書稱文惠太子鎮雍州有益發楚王家獲竹簡 矣考工記稱鄭之刀又稱素無廬鄭封於宣王時 擊然則周禮 傳相合以相證驗而必 亦灼然可知雖不足以當冬官然百工為九經之 共工為九官之 書 先王原以制器為大事存之 ·盡原文 留此異同以啟後人之攻 ıfıj 非 出依託 榳

イグリノニュ 別其是非而已不必竄易古書也又好改經字 粹書是其 妄作耳鄭注隋志作十二卷賈疏文繁乃析 尚稱見古制偷庭椿以下粉粉割裂五官均無 併元于三禮之學本為專門故所釋特精惟好 削其書然雜書不盡可據亦非盡不可據在審 卷新舊唐志並同今本四十二卷不知何人 失然所注但日當作某耳尚不似北宋以 動稱鉛筒 短歐陽修集有請校 が一世類 則亦不必苛責於元矣公彦 正五經剳子 寫 所 夘

次巴田医公丁公司 周 禮 歴中 義凡 說 志 疏中 新義十六卷附考工記解二 朱王安石 鄭賈之善云 磃 日熙寧中 一經書詩 重編內閣書目尚 亦極 周禮疏最 13/2 三卷今並佚周 撰安石事蹟詳宋史本傳晁公武讀書 博核足以發揮鄭學朱子語錄稱 周禮也 置經義局撰三 一經部 好蓋朱儒惟朱 新 禮 載其名故朱昇尊經義 經毛詩義凡二 新義本 老典永本樂 經義皆本王 深於禮故能 · 卷尚書 一安石 卷 明 Ŧî. 郑

政 及諸門弟子 載 經義時王丞 最詳也考蔡條鐵圍山叢談日 即修承樂大典所徵之書其時尚有完帙故採 明以來內閣舊籍亦實無此書惟永樂大典中 和中 、最聚蓋內閣書目據文淵問書目文淵 敢著其已供但注日未見然外問實 相 一言天府 周禮 介甫為之提舉詩書蓋多出 新義實丞 所籍吳氏資多有王 相親爲之筆 王元澤奉部 閣書 丞 為三

イラレノニマート

発ーナ機類

經 學者類能言之 雜 肵 知之安石亦未嘗不 排擊於是 弱之後欲濟以富 叢生而朱 可行迨其後 中 經 惟 周禮 附會經義以針其口實非具信周禮 為安 然周 用之不得 風細 八壤其弊 禮 雨 强 而 夘 其 **也安石之意本以宋** 恐富强之說必為儒者 可行 行之 於後 一後 特 亂 則

金定匹库全書系 | 倉十ナ 禮類 也今觀此書惟訓詁多用字說病其牽合其餘 易解朱子王應麟均取其尚書義所謂言各有當 假借六藝之本懷也因是而攻周禮因是而攻安 典書中原從此變蕭疎是猶為安石所給未究 石解經之說則與所立新法各為一事程子取其 之薄譴矣故安石怙權植黨之罪萬萬無可辭安 石所注之周禮是寬其影附之巧謀而科以迁 治都鄙八統之馭萬民

欽定周官義: 苛祗矣安石本 遂 晢 其 據 周官及楊時 帲 其說 在 宗 故 說據晁氏讀書志蓋 不可考然 地官中今家 特 流亦不 肵 禹林之奇 逌 Ŧi. 所佚適屬其瑕 4 未解考工 廢 Ш ·利子及: 集 採用 樂 rþ 大 王與之陳友仁等注 肵 鄭宗 典 叉安可盡以 一記而 闕 加 駁 頹 類 地行 宗 75 輯 ·旗與積 永樂 則 日錄載安石 夏信三 安石字說為 所存者益不 人廢耶安 大典乃 一卷其說 周 條 其 心 備 所 文 石 與i

4

型. 和

周 澗 詳 塒 仐 朱 以 M 真之 団之 之後 近 按其書 解 Œ 補其闕介 世為舉 昭禹 四 )作周 日字光 誷 -|-卷 解 さ 撰陳振孫書錄 禮 國解 攸 採浙 惟 子 亦 訂義 匪 Ŧ. 遠亦不 業者多用之其學皆宗 進江 並 カ 心類 從 建國云業格 銶 匪頒之式云 本巡 其 撫 類 從非言其 詳其質里當為凝欽時 編姓 解 解 備 題日 氏世次 散其 家之 <del>]</del>: 上下謂之王 昭 禹未詳 書焉 肵 列 宣 於龜 滅 Œ 氏 目 何等 IE 新 世 山 或 楊 說

大臣可不久意思! 1 當時三 則 從分從自言自上 不改然其發明義音則有不 **乾者肅以致之解司徒云於交反后為司蓋** さ 執事之法而已其附會穿鱉皆遵王氏字說 承 圃解鮑魚 從 則所以一 一經新義列在學官功令所懸故昭禹因 世之庇覆以 從口則 衆司反之則分衆以治之而已從 日魚之 乙都 所以出命司反之則守令而已 而頒之下解圃 君天下可反之則以君之 鮮者包以致之解鱅 虚 同 於王氏之學者 日園有衆 日 后從 魚 ij 從 盖 之 謂

如 則 之息恐收還其母而不得蓋已目睹青苗 物為息若 之衰不能爲民正田 其不毛使之有 解載師里布屋 破其說矣至其闡 之則稱貸之法豈特無補於民哉求以 凶年機歲無以爲償矣 解泉府以國服為之息云各以其所 農以粟米工以器械皆以其所有也 一一禮類 粟謂國宅無征 發經義有足 制 地 下無以償上之 稅斂無度又從 疏之 服國事 人又 之 國 而 邺 服為 貸 必

イグト人

外样

シアナナー とここはい 陸德明釋文而卷首以德明之名冠昭禹前 解蓋從其例究為 說 之訂義林之奇講義多引其說固不得以遵 云云皆為先儒所未發故宋人釋周禮者如王與 都皆無過十二固當時正役後因遠近劇易而制 屋栗不從先僑以里布為二十五家之泉屋粟為 三夫之粟叉解近郊十 屋有田以出粟今不耕 而盡廢之也五官皆不載叙官元末朱申作 . .u. 1 失今妨仍舊本錄之內附載 遠郊二十而 田則計屋而敛之 三何稍 一調 用新

周 金足匹耳全主殺! 久十ノ感気 禮復古編 友仁 德明之名則 明時代在前遂題諸昭禹上歟令仍錄其音釋 也庭椿之 官古田令是書朱志作三卷今本作一 宋俞庭椿撰庭椿字壽翁臨川人乾道八年 昭禹自序末 云因釋文而作或後人 編蓋友仁訂正周禮集說而以此書附其後 以補冬官整空臆斷其謬妄殆不足辨 卷山東 說謂五官所屬皆六十不得有羨其羨 附著 本巡 於此不復並列簡端焉 撫 所增入以德 卷標

大三日見と寺のコーンシュ 中少府太僕為證其說本確庭椿乃合而 誤以春官之 六人與天官世婦顯異鄭注以漢之大長秋詹事 下大夫四人中士八人女府二人女史二人奚 官屬至於春官世婦為王之官官故每官卵 官世婦為王之後官故與九娘八十 世婦與二環 謂天官世婦與春官世婦夏官環 官複出當省并之其說似巧而其謬尤甚 世婦為婦人也至於司馬環人之 人無論職掌各殊即以序官考之天 )經部 、與秋官環 御女皆無

太平 一番ラレ へ三元帝日 經國之書十 烱戒焉 官不亡之 庭椿厥後邱葵吳澄皆襲其謬說周禮者遂有 而未已故特存其書著竄亂聖經之始為學者之 此好立異說者之適以自蔽也然復古之說始 官 何所屬之中下士及史胥徒乃各不 四 士六人史二 、史四人胥四人徒四十 シュノ連類 派分門別戸 卷內府本 人徒十有二人秋官環人之屬 輾轉蔓延其弊至 人若二 一環人 同如此 朋 是 那

THE PERSON AND THE 蓋寧宗 圖 四 欲以宫中 經 179 國書者 置 鄭 明古制 南北  $\mathcal{I}$ 家 成周官 理宗 1/11 伯 軍 取 中 -所圖僅 與之 伯謙字 也 劉歆 文事武 爲 其書為 制 第 平小 是 周 周 公致太 日素漢官 事 朝之 永 職掌 周禮之 平 統 於 쒜 宿 述語也首 項安世之 衛蓋其大 說 職 催 臼太 周 郞 冠 禮 船 쒜 此 間

爱位厚全 米E 光十 外 內治官吏宰相官民官 間 篇皆以周官制度類聚貫通 治考課熉祭相體內 命意 門會計一 玉府諸職 以然多称 間有不可解者 證後代史事以明古法之善其論 門叉各分為上下篇凡論三十 條車若水脚氣集頗稱之然其 酒理財內帑會計內治其中 外官 刑攬權養民稅 制臣職官民官衛奉養 東野語記韓促 設為問答推明建官 賦節財 內

大三十二十二五 曹奉養 焦土之句其時武統於文相權 救 可 Ų 可為 相 得汾陽令公府祖宗神靈飛 軍救撲而存故洪谷爽詩有 臨安大火九廟俱殿獨丞相史彌遠賜第以殿 進與以他篇貫通經義尚頗有 不復措意中原正宜進 1 34.1 訓毋乃當理宗信任 篇尚欲更重其權又朱 篇 乃深斥漢文帝之節儉為非所論 1經劑 買 卧薪嘗膽之戒 . 殿前 似道時曲學阿 可 入南渡之 Ŀ 151 誧 發明舊本 /痛哉 重極 將軍 2餘湖 九廟 而 猛如虎 此 世 此

禮經會元四卷內府 、クロー 公里でえ上 ラーフ 遭類 過 罔 文閣學士提舉崇福官卒諡文康其立朝無大功 尚書理宗初以顯謨閣學士出知建寧府後以寶 **埜先生傳不著撰人名氏稱時奏侂胄專政無君** 宋葉時撰時字秀發自號竹埜愚叟錢塘人淳熙 傳久行於世姑取節焉而已 上不道乞梟首置之准甸積屍叢冢之間以謝 惟函韓促胄首以乞和出時之謀是書前有竹 年進士及第授奉國軍節度推官歷官吏部

7 1717 多相 後所附之 官衛王畿祭樂明堂分星六篇各系以圖其祭 補冬官之亡其發揮經義者實九十七篇內 論禮經乃其總序第 實鐵也其書括周禮以立論 其說與鄭 5 出入時於伯謙為前輩然竹埜先生傳中 納之云云大紫此 圖實樂舞之圖蓋刊本舛訛移於前 伯謙太平經國之書體例晷 ۶ 上海・ | 精駁漢儒之失第 베 朱稱 門人 人學之宗 凡 雏馬 百篇 出諱 |山翁合則 一同議論 第 朝儀 篇

**曹之作相去不遠或伯** 伯謙書而廣之均未可定然伯謙所論尚駁雜 則大 武帝不信周禮由此 河間獻王以考工記補冬官為累周禮 爾其注疏一 體無疵惟必欲復封建井田肉刑之 及用國語 一 
発十 
九 
被類 周禮詆其不當用緯書 篇 分野用 謂劉歆誣 篇其說鑿空無據 謙 取時 可 馬法注 周禮猶先 書而約 之或時 舊論 類頗 魄 迁 因

SMITH LAMEST POPULATIONS 儅 鄭注者 咎其亂經陰相襲用 亡 相 知朱子之得 引以 於 篇 1醇正多能 《善然朱子於詩攻康成於禮 國語可馬法左傳禮 公證經 謂冬官散見 為叛 正五經剳 然則注 一」經第 於禮者深時之得於 經 發體 五官亦 周禮者當引 國經野之深意故 記皆古 事論之 言亡 介庭 就用 出庭 権之 何 禮者淺也 書也 不攻康成此 無煩時之 等 庭 時 說 一說時 反 . 那 以讀 其 足

謹裒合四官之文編次成帙以存其舊其地官 尚載其天官春官秋官考工 之序刻於衡陽今衡陽本世已無傳惟豕樂大 **錄解題不載惟趙希弁讀書附志著錄稱許儀** 宋易旅撰旅有周易總義巳著錄是書陳 則採王與之周禮訂義所引以補其亡 一十卷汞樂大 有取焉 |記而地官夏官亦 Į. 為

COMPANY OF THE 馬大行人與考工記不合以明曲禮車騎為戰 為與之說論輈人之四旗則歷辨巾 則引羊 **亷之文以駁列祼事於九獻之說論肆師之** 间 九獻則合變 制諸如此類雖持論互有短長要皆以經釋 九矣其書 人角人職幣等職以駁口率出泉之說論宗廟 如論大宰 F7/ 11. 1 、小子及山虞諸條以糾改祈為创改 人醢人內宰司尊彝及行人王禮 九賦則援載師之 研索經文斷以已意與先儒頗有 任地及司市 13 1 T 車司常大 祈 國 珥 珥

金女工人生者上一名十丁禮朝 也 頗有考據不以韓促胄蘇師旦故掩其著書之功 建亥之月先令之於亥月而後三為凌室以待亥 子丑三月之藏亦皆自出新義而於職方氏之地 調以什 酒正式法則指為九式之法於園廛漆林諸賦 非斃空杜撰至於內宰二事則改為副貳之貳於 數等而輸之於王於凌人斬氷則謂十二月為 山川尤為詳悉蓋兩雖人品卑汚而於經義則 取民又於一分中分十一十二二十而 則

次三四十二六三五十二月 禮 素識其人又 於嘉熙元年丁酉下 載 訂義 Ŧi. 通 温 宋 年 卷首蓋猶 剕 州 在 王與之撰與之字次縣樂清 壬辰下 趙 泗州此本省牒州狀 秘書省准勅訪求 汝騰奏進特補 卷成内本的 老一し郷 稱德秀殁後與之益刪繁取 宋本之舊前有眞德秀序作 距進書時 距進書時六年 + 書籍牒温 官授复州文學後終 年又有趙汝騰後序 都司看詳及勅旨均 人淳 州宣取是 故汝騰奏 並 要由 於紹 一年六 編 鍛

ノーケート 然唐以前僅杜子 得 人也專家干 約其書益精粹無疵也所採舊說凡五十 ラ禮類 春 五家則皆宋 鄭與鄭泉鄭元崔靈恩賈 公

**彦等六家其餘四** 

人凡文集語

銤

聖 德 無 秀序 微吉終莫之睹 搜采蓋以當 稱鄭賈諸儒析名 代諸儒 惟洛之程氏 物辨制度不 為主古義特附存 關中 Ż 爲 張 無 氏 功 丽 獨 丽

**永嘉王君其學** 

本

於程張云云

為末故所取

朱人

獨多矣

其

得 以義 聖經精微之蘊 理為本典制 文

尚書周官

司空

職

謂冬官未

大包马工企业图目 僅賴是編以傳雖貴近暖遠不及李鼎祚 雖 解能存古義而蒐羅宏富固亦房審權 以為據也惟是四十五家之書今佚其十之八 官散附諸官考陸德明經典釋文晉干寶注 論而不敢移掇經文視庭桥固為 舛 乙亞矣又案邱葵周禮補亡序稱嘉熙問東 先有此例究事由意舠先儒之所不遵不得援 誤然庭椿淆亂五官臆為點竄與之 實沿俞庭棒之 名二 1 點 謬說汝騰後序亦稱之 有間至其以序 周易 周禮

金矢旦及三軍系上でえて、プ心類 齊考工記解一 考也 取考工記補周官 景定間官司農少卿終中 朱林希逸撰希逸字肅翁福清 **今本質無補遺未審別為** 之然憑臆改經之說正以不存為最善固無庸 次點作周官補遺由是周禮之六官始得 住別釋之唐有杜牧注宋有陳祥 一卷江蘇巡撫 於是經與記合為 書合 一書或附: 人端平二年進 自漢 此書內 書然後儒 道 河 間歇 而佚

こうないまったのは 横 穇 於 並 半 分寸之二為 在式之 漢儒 如磬 磬 解仍 炎 折之 放其書 旬 之 鄭 折 度於戈之 氏 E 解 į 折之 於泉 江其圖 厠不 今並不傳 . 文古 外 . T 與 形 鼓 啊 邊 恐有脱交皆 Ź 長 於 鄭 有 康 倨 內 以 輸 行磬折 鼓為 興 則折 注 Ž 迤 制 謂 相 謂 前 股 注 剕 酸 古 鼓為 爲 催 倨 貅 器 介 伙 制 圓 與 明 ĦĴ. 以 則 胡 綖 坳 前 有 相 合 何

金是四月全世級巨 周禮句解十二 施 十 讀周 有朱申字繼顯朱太學生又李心傳道命錄有淳 朱 顯初學易以尋求且諸工之事非圖 軍 禮圖之有關於記者采摭附 朱申撰申事迹無考里貫亦未詳按江西通 州兼管內勸農管田事似為二 禮者至今 著也逐句詮 年 老派 新安朱申序其結銜題朝散大夫知 巻十 ノ 砂類 一閣藏本 猶 入亦頗便省覽故 顯希 逸 志 江

14 / 14 3 24 7 4 4 則堅守 闡 爲 疑 引 注 與 鍾 何 周 証 肵 見有與 易之 地 為宫以 以 者 坬 宫 至 率 准 於 间 3 調旁 位 坬 إنآ 沚 疏之 之 徒諸公之 秘 泉 疏 類 誚 加之 附 也 也 疑 庸之 則 貢獻也 貢功也 天宫夾鍾 皆闕而 數乃治血滿之 能決者 說 地 ήij 封 不 職 不 疆 用中 載雖循文計 職 方 韭 Z 孟 正 注 Ji. 一吕等律 數 疏 词 百 大 徙 111 III М 制 也 司 以 曲 是 爲

周 多先四月至世紀日 禮集 釋 離嚴之義 沈 無 詳者 說 遂 則 大發明而 書傳 正近得 削 老之議論 祉 人名 丽 老十ノ禮類 以 惟 相 藻編 1氏前有1 買八 此書於 家修 藏汪 序官 類名 載 酸之竄亂 頗 氏 本如 乖 Œ 云云蓋友 - 體要是 晋 氏之 則未聞也癸未 經文之綱領申以其無假詮 編節係理與東來讀詩 初陳友仁 疏 說 則 因 辨 因陋就簡之失矣 宋 析 未 携以歸訓 稱其友雲 傮 眀 者 附 詣 記

大世四事在曹山三人民十七縣前 之說俱能擷其精粹而於王安石新經義采摘尤 故原集具存友仁未之詳考耳卷首有總綱領 多蓋安石三經新義雖為朱人所政而周官新 治每官之前又各為總論一 篇官制總論 之例然陶潛在晉諸詩亦但題甲子非以入朱之 年蓋亦朱之遺民故仿陶潜不書年號但稱甲 朱亡之歲友仁不題至元年號而上溯丙子以系 也友仁字君復湖州人序題丙子後九歲丙子 篇叉凡例 為所引注疏及諸儒 篇分條闡說極為賅

1.1 全解亦用安石之 說見工案之奇學出日本中本 集傳十六卷乘樂大 佚黃虞稷千頃堂書目云關中劉储秀嘗補注 妄誕則暑有間矣原佚地官二卷其春官總論 書亦相承援引不廢其文也考工 易古經而兼存其說以待後人之論定較庭椿之 行个未之見亦姑仍其舊闕之焉 周禮復古編 卷殊為洗贅有失别裁然不肯變 之周 派 禮前義而作周禮 記後附前庭椿 之奇述之

大学中国 小宝見出 一般で大二 し 発情 夏之三工歌文王之三文王而日工歌是有詩字 應龍獨引歐陽謙之說謂左傳襄四年日金奏肆 其中有沿襲誤說未考古義者如鐘師掌金奏以 鐘鼓奏九夏杜子春鄭康成皆以九夏為樂曲而 說所採尤多其自出已意者則題應龍曰以別之 博而於鄭鍔之解義徐氏之音辨及歐陽謙之之 名始末已不可詳考矣是書於諸家訓釋引據 章人大德間嘗官澧州教授而江西志乘俱軼其 元毛應龍撰案張萱內閣書目稱應龍字介石豫 頗

、で人上に ときず 「」」といく、一一ノ禮類」 發 奏釆崩士奏釆蘩之文貫於金奏下豈亦均非 擊鐘故稱金奏此晉人作樂先歌肆夏肆夏是作 曲 作非復以金為始故言工歌也其說足與鄭注 則鐘師又有凡射王奏翳虞諸侯奏貍首卿大 樂之初故於肆夏言金奏也次工歌文王樂已 而無詩可歌明矣今考孔額達左傳疏云作樂 明 乎又甸祝쪠柱襉馬掌祝號鄭注鴯賣如誅 歌者也肆夏而日金奏是徒有其聲可以金奏 如以九夏之文統金奏之下即以爲非樂 曲 相

應龍 謂 堅報書曰侏張幽顯魏書恩倖傳侏張不已 音 源彪傳吳賊侏張侏張即講張侏與譸猶侏 為非考稠体二字古音本通非康成改讀揚 亦主謙之說謂灁 **株大字也為性祭求肥充為馬祭求肥健也應龍** 二老箴頁乘覆飲姦冠侏張晉書慕容埀 百升 同故義借安得指為康成改讀乎又與氏為 引鄭鍔之說日晏子謂六斗 而成釜康成則謂 稠 淵 也禱牲稠盛也以 四升 日 豆四豆 四升為酬管 展成吃讀 載 區 記荷 與 北 雄 鬴 鴯 國

及及匹庫全書 上 スーナ 爵 **个考康成謂鬴六斗四升實據經文方尺深尺以** 九非十升為豆而何而康成謂四升為豆失之矣 區日釡為六斗四升以下交觀之其臀 而六斗四升彼殊不考之於梓人也梓人為飲器 所謂釡也康成謂四升曰豆每四而加故區至釡 豆豆當為斗釜之臀一寸而容一斗則釜之內 豆矣夫 尺而容十斗無可疑者十斗則百升正管仲 升觚三升獻以舒而酬以觚 獻則 升矣三 一酬則九升也以 一獻而三酬為 寸其實

**乃容** 也今鍔以管子量鹽之鬴為東氏量栗之鬴比 海王篇百升之釡乃實百升之鹽非實百升之 斤十二,兩十七錄二 十分之一為升當米六合四勺百升之鹽七十六 **篇鹽百升而釡房元齡注謂鹽十二兩七銖** 粟米法算之葢粟米法方 一分矣其何以 高不倫至於康成注梓人以豆為斗實以豆 石雾以鬴容 2解於經文方尺 保尺耶管子海 聖 一纍爲釜當米六斗 石則是酺方尺深尺六寸 四升則是

· おをに産金書報目 光十九 此類皆未免膠執舊文疎於考核至於冤服車旗 証也又安得引梓人之文為管子之旁證乎諸如 策曰令工人作為金斗長其尾與代王飲即因 飲不以豆飲詩行葦篇毛傳日大斗長三尺戰國 之度廟脁昭穆之制司尊舜之六尊六舜司几 斗擊之此斗為飲器之証也越語曰觴酒豆肉韓 合十升之文反詆改豆為斗之非不知古以斗為 子外储篇日取一豆肉是豆實食器而非飲器之 四升不及一獻三酬之數鍔誤以豆為飲器遂牽

以三月重八三年十十 條春官十四條秋官冬官各一條篇幅寥寥不能 外承樂大典割附集傳之後其存者值天官十九 舊第也應龍所著別有周官或問五卷在集傳之 為十六卷以一官三卷共得二十 官夏官適當缺帙其餘四官首尾頗爲完具謹 家著錄皆云二十四卷今散見於永樂大典者 是以存其厓畧則蒐輯之功固亦非勘矣其書諸 條列引證頗為詳晰宋以來諸家散佚之說尚 之五几五席方弓、義弓之異名正歲正月之並 11/1/11/13 翻 1 四卷計之仍其 地

一多なり、公事う上の発しナ 周 禮傳十 别成一 本各著皆指摘其瑕釁至數十萬言俞壽翁吳 焉史稱應電篤好周禮謂周禮自朱以後胡宏 避居江西遂終於泰和受業魏校之門其書中 則以為冬官不亡雜見於五官中而更次之近 師云者即述校語故明史儒林傳即附之校傅 明王應電撰應電字昭明崑山人嘉靖中遭倭亂 使 家之說互相衆證亦足以資發明焉 **卷圖說二卷翼傳** 帙今仍附於各傳下即免以畸零散佚 一卷浙江范懋柱家 三 Ħ.

成周 .... **致亦瑕瑜互見其傳十卷點考工記不錄猶** 力頗深此三書雖各為 禮之源次考天象之文原設官之意推五官離 儒之周禮也乃單研十數載先求聖人之 部 解古經至割裂序官之文凡同職 何喬新陳鳳梧舒芬亦各以已意更定然此皆諸 居各以類從則頗嫌 故見綱維統體之極因顯以採微因 一體傳訪數十卷云云蓋應電於周禮之學 **卷帙實相輔而行核其 竄亂然論說頗為醒正** 相統者使 細以 心溯斯 繆 ӹ 日

金元旦月全書祭目のイナナナ 服絲冕以祀社稷五事序於義冕以祀 祉 則别見翼傳故不複載也所說問有舛誤者 亦有錄無書蓋原本所闕下卷闕井邑丘甸諸 女官女奚女奴諸辨有說無圖上卷明堂表 考傳義中如職方氏九州之類有圖無說又有 **畧於考證而義理多所發明其圖說** 應電以當地祗大祭殊於 之下故鄭康成酒正注列社稷於小祭其說本 即地祇夏至有事于方澤乃祭大社考春官 禮類 經義有乖至謂明 四望 卷用以 如調 E 卷 司

この日重人至明日 一一二八十 調舊周禮圖冤服則類為男女之形而章服仍 其序而圖所穀於迎暑之後又頗頗舛然其自序 核注疏故有此訛他如圖南郊於朝日之前既從 張尸 當在南郊與郊天同迎尸則於明堂又謂郊天迎 有祭時迎尸遠在四十里外者周禮掌次凡祭祀 王之六寢宗礼文王以配上帝不得於王之寢 在國三里之外七里之內則相距凡四十餘里安 尸亦當於明堂考通典載南郊去國五十 、次蓋尸幄切近壝宫迎尸即於此幔應電 一座郭 里男堂

まちょうとすると プルナ 砂類 學周禮法曰治地事宜下卷曰握奇經傳曰非 禮辨日經傳正譌其冬官補義擬補土司空工 明井邑則類為大方隔而溝洫仍不分則亦頗有 免意為揣測其天王會通以天官書所列諸星分 柱下史左史右史水泉魚政鹽法豕八十八官未 梓人器府四瀆匠人壘壁氏巡方考工準人嗇夫 所訂正个姑與其傳並存以備一家之說其翼傳 配諸官以爲王者憲天而出治亦多涉附會其學 一卷凡分七篇上卷日冬官補義日天王會通 師

... 1911 <del></del> **粉其師** 以外兼涉羣經非惟以象改隸併欲以稱改象 禮 傳之遺官事有兼涉不擾之法皆為有見餘則 周禮 矣大抵三書之中多衆臆說不盡 其握奇經傳雜泰以後世之法亦失之 錄舊文其治地事宜直欲復井田之制殊失之 **舊**注解釋之 辨駁正諸家尚為明析其經傳正譌則於 , 法論 **1**/ :: 魏校六書精蘊之 周禮 認收聲收字之非與細物 有必不可復者及後人假仿之妄 T 說 而不 知其流於詭 可從以周禮儀 駁其非 為自古相 周 迁

金是四庫金書家 一卷十九禮類 周 禮全經釋原十 惟載傳 明 偶然疎畧未及檢其全書歎 語乃翼傳之解題而繫之周禮傳下亦為舛悞豈 四卷明史作數十卷蓋約舉之 禮至明幾為絕學故取長棄短畧採數家以 桐 卷而不載翼傳之名頗為疎漏又所引黃虞 朝之經術所謂不得已而思其次也三書凡十 尚遷 撰尚遷字喬可長樂人自號陽石山 卷圖說二卷學周禮法 四卷安徽巡撫 詞朱爽尊經義考 芼 卷非周官辨 姑 備

ここすると 易取遂人以下地官之事分為冬官自遂人 意也周禮本關冬官尚選宗俞庭棒之說稍為變 經較庭桥之粉更割裂似為稍勝唐順之姜寶皆 釋者皆採輯古注其曰 官凡十 全經綱領 **嘉靖中由貢生官邢臺縣縣** 士正六十人以符六官各六十 卷前列序二 11.11. 一卷又附以周禮通論周禮通今續論各 二條釋原凡 一篇源流序論 經市 原者則尚遷推 例七條書中 丞其書自天官至冬 篇六官目 <u>:</u> 之數故日 開作經 訓解 間 () 至族 共稱 全

をうなりまといれる世 スーフ 他対 卷數相 書背節 此 擾 紃 其訓詁經義尚條暢分明有所聞發故與王應電 四十字冠於冬官之首則猶之乎竄亂 深是之然仍不出朱人錯偂之 檢 列 本通論之外尚有續論 郭 國為富那國又以吳澄所補惟 取 同而注云内源流叙論 如王應電書數 四卷之中與葵尊所注不合或葵尊未及 以備 家朱爽尊經義考所載與此 而源流叙論乃在卷首 曲說且改經文安 卷近論 王建國 古經矣 卷令 以

25EF -----專書其傳於今者王安石王昭禹始推尋於文句 必不能出漢唐上故雖盛稱周禮而皆無箋注之 鄭注而 引諸家之說以發明其義故謂之龔周禮 有作者弗能越也周張程朱諸儒自度徵實之學 是書於鄭注買疏多刊削其繁文故謂之刪 史文苑傳附見其兄志堅傳中稱其亦深於經學 明王志長撰志長字平仲崑山人萬歷中舉人 ţ. Ø 訓話明得賈疏而各物制度考究大備 . "孤" : 書得 又 雑 後 明

周

禮註疏剛翼三十卷直隸總

督

金元旦庫全事私上一名十十一種類 遂有目 間 逐 自朱申以後苟趨簡易以敘官為無用而刪之經 所不免而能以注疏為根柢尚變而不離其宗且 之內王與之始脫畧舊文多集新說葉時鄭伯 五官以補冬官之亡經遂更無完簡沿 平從祕矣志長書亦多採宋以後說浮文妨要葢 **始别立標題借經以抒議其於經義更在離合** 類波破碎支離益非其舊志長能恪遵古本亦 於是考證之學漸變為論辨之學而鄭賈幾幾 無綱命庭椿邱葵以後又多騁臆見竄削 及明代

ナミロッ合語 欽定周官義疏四十 八卷 御定三禮義疏之第 盡允也 為力遏横流在經學荒蕪之日臨深為高亦可 稱 乾隆十三年 其文遂併以村 四篇故杜子春鄭與鄭衆賈建衛宏張衡所注皆 研心古義者矣惠棟作精華錄訓纂因金榮誤引 周官馬融鄭元所注猶稱周官禮迨唐賈公彦 į 一 とこと 経部 書紙志長乃相輕巳甚之詞不必 部也考漢志載周官經六篇傳 謂

イグレ 御製日知薈說論周官者十則以昭千古之權衡其採 疑各持 疑者也二 闹 他經與此經互相發明者 通論或以本節本句衆證他篇 掇羣言則分爲七例 周官從其朔也首冠以 筆 依附經義於事物之理有所推闡者 疏始沿用省交稱為周禮實非本名今仍題 作 1 說義亦 日辨正後儒駁正至當不易者也三 禮氣 可通叉或已 日正義直詁經義確然無 也四 經駁論 曰餘論 比類以測義或 Ξ 也 雖 加 持此 非丁 Ħ. E E 曰

大きな! シャナー 為專門 祀 亦 亂不必以為疑亦不必以為諱說周官者以鄭 官六典其源確 解又合數節而論之合 難得其真或創立其說雖未即愜人心而不得 存之以資考辨者也七曰總論本節之義已經訓 多未敢偏廢者也六日存異名物象數八遠無傳 注與澁不可解者不强為之詞尤合聖人闕 不可没其長是書博徵約取持論至平於考 而 訓詁既繁不免有所出入不 一人一次部 出周公而流傳既外不免有所 職 而論之者也大抵周 可護其 氏 領

北上上屋公司 春日 一人二 之義也 雅類

撫

周 禮 述 注 二 十 國朝李光坡撰光坡字耜 光地之弟也杭世駿榕城詩話稱其家居不 四卷編 進建 本巡 卿號茂夫安溪人大學 仕潛

心經學著有三禮述注此即其 也其書取注 疏

已意 梁考其兄光地榕村集中 所判削而 之文刪繁舉要以溯訓詁之源又旁採諸家祭 以闡 析 制作之義雖 理明通措 詞 於鄭賈名物度數之文多 簡 有周官筆記 要頗足為初學之 卷皆標

周 朝李鍾 詞達於說經之家亦可謂適中之道矣 與亦不至如朱學之蔓衍平心靜氣務求理 擊議論盛而 法故恒牽引末代獎政支離詰駁於注疏多所攻 訓纂與光坡此書體例相近盡其家學如是也宋 儒喜談三代故講問禮者恒多又鑒於熙寧之 舉要義不以考證辨 倫撰鍾 老掘進巡 經義反消光坡此書不及漢學之 1 難為長其姪鍾倫亦有周禮 得安溪人康熙癸酉 撫 眀 mi

錫河間 王之銳 其指授又多與宣 義惟 天學政復遷直隸 薦公車後日侍其父光 **馥跋稱鍾倫初受三禮於其** 仕 本原 闕考工記不釋 經也書後有乾隆丁 而卒此書自天官 所詮釋 同里陳萬策等互 一城梅文 巡撫十餘年中 頗 챮 得 地於京邸 以 八鼎長洲 周 主其 河間 秋官詳祭注 官大義惟於名 叔光坡康熙癸 子廣平 獻 何焯宿避徐 相討論故其 郵倫皆随行 及光地出督 王. 畫 所補 府知府 疏加 非 14 周 以 得 郷 訓

蟿白虎繫軸 獨 皆有容有葢 總 飾也鍾倫謂總惟當施馬於車義無所 有焉容為癚車 朱總 數不甚加意故在往考之弗詳如巾車重程 斷日 以稱為之者馬勒直 飛鈴注 聚翟勒面 費總安車 飛輪以油程廣八寸長注地左畫養龍 引薛綜東京賦注飛幹以油 則重翟脈翟謂蔽也安車無被謂 頭續漢書與服志曰乘與重 山東謂之裳惟葢如今小車葢 T 兩 耳與兩鑣車 彫 面醫總皆有容益 取考蔡邕 衠 解亦宜 提廣 鍸 班 也

金是匹库全書悉上 卷十九 為摩 皆有容葢實兼承 者而鍾倫謂總惟飾馬誤矣鍾倫 寸長 四旁之 所 有容益 注地緊軸頭所云 云軸頭即注所 一車旣 上際其四旁之下際則以程為蔽考經文 而無程 有容益又有翟蔽 上重程厭程安車而言但重 飾 耳 然則 提即注 聞合上 既無程飾 飛輪即聽之 兩旁以畫飾安 下通徹故詩 叉謂容以稍 所云總以稱 削 惟藉裳 車

100 際矣釋名曰容車婦人所載小車也其葢施帷 垂 帷 禮 四旁下際以翟為蔽則安車但蔽上際不復蔽 注 連 謂之穜裕童容與穜裕義 翟者 也凡 舊 釋名衽務也在旁瞻蟾然云稽帷葢如裳衽 婦車亦如之有發注發車裝惟續漢書與服志 以覆體車之帷裳延 · 187 典傳車懸駕赤帷裳惟郭賀爲冀州勅 也如鍾倫所云帷裳但結四旁之上際其 此皆同於巾車之安車但有帷裳無重 覆 上下形 同盎確裕長稿 相似也又士昏

金足匹属金言系目一発一ノ禮類一 守二乘共百人又尉繚子伍制令軍中之制五 者更有二十五人將重車在後今考新書攻車七 十五人前拒 **蔽形容乎如此之類頗為疎舛然如辨禘祫社** 不止甲士三人步卒七十二人此是輕車用馬馳 甲士三人步卒七十二人鍾倫據蔡氏說謂一 學校諸篇皆考證詳核又如司馬法謂革車一 隱蔽其形容也若容但蔽上際不及下際豈能 入守裝五人底養五人樵汲五人共二十五人 隊左右角二隊守車一 三 隊炊子十 攻 乘 乘

2 2 1 周官 國朝方苞撰苞字鳳九 集注十二卷安報巡撫 A Agent a 熙 非 **圭之法謂百六十餘里景**巳 足證其說之精核 屬相保也百人為問間相 爲伍伍相 、蓋軍中之制自 同講學家之空言也 丙戌會試中式舉 F. / 保也十 響那 又明於推步之 八爲什: 、號靈阜亦號望溪桐城 人官至內閣學一 乘起此许一 什相保也五十人為 保 差 1 起於五 . 45. 11 術訓 寸亦得諸實 乘百人之明驗 士兼禮部 大司徒 人訖於 康 測 屬

特賜侍講銜致仕是編集諸家之說詮釋周禮謂其書 金丘四庫全事米 ■ 第十十一種類 列於禮家相沿誤稱周禮故改題本號以復其 皆六官程式非記禮之文後儒因漢志周官六篇 郎後落職修書 重 初

論惟似是而非者乃暑為效正有推極義類旁見 家之說者乃著其名凡其顯然舛誤之說皆置不 論醇正於初學頗爲有稗其書成於康熙庚子 側 其注仿朱子之例采合衆說者不復標目全引一 出者亦仿朱子之例以圈外 别之訓詁簡 明

(五)耳里 公武 或 朝惠士竒撰士竒有半 深鑒別真偽發干古之所未言然明代金瑶先 周 是論特苞更援引史事耳持論太高頗難依據 所增言之整鑿如目睹其筆削者自以爲學力旣 媚王莽證以漢書莽傅事迹 **苞别著周官辨十卷指周官之** 及此書之謹嚴矣 四卷副都御史黃 224 地形 農易說已 歷指某節某句為 文爲劉歆風改 1112 載

在グロルグニー 上一一一一十九次 **秋者必以左傳爲本鄭氏之** 聖人之褒貶故說禮則必以鄭氏爲宗亦猶說春 精微猶之治春秋者不核當日之事實即不能明 其名物|而後可求其制度得其制度|而後可語其 卷計四十條古聖王經世之道莫切於禮然必悉 依經文次序編之凡天官二卷計六十 卷計六十 一卷計六十三條春官四卷計九十五條夏官 操漢制以明之今去漢末 **| 條秋官二卷亦六十** 一時去周已遠故所注 一條考工 條地 記

(H) H 11 **葨宏之射諸侯爲非依物怪因庶氏攻說翦氏** 丹之使巫 家持論最有根柢其中如因巫降之禮遂謂漢師 遞求周制 文或以證明周制或以參考鄭氏所引之漢制 皆為之分别疏通使無疑似復援引諸史百家之 年鄭氏所謂猶今某物某事某官者又多不解爲 異不可以今音今字推求士竒此書於古音古字 何語而當日經師訓詁輾轉流傳亦往往形聲 下神為非惑左道因貍首之射遂謂 而各闡其制作之深意在近時說禮之 平平 並

於偏矣然統觀全書徵引博而皆有本原辨論繁 非 去古永遠可資旁證可也遂謂不讀非聖之書者 引墨子以證司盟之詛併以證春秋之觀社取其 為弱遂據以斷犁牛之子為犢亦失之附會至於 遺術皆不免拘泥古義曲爲之詞义如因含玉而 **禜遂謂段成式所記西域木天壇法禳蟲爲周之** 而悉有條理百瑜 引及餐玉之法則失之蔓衍因左傳稱仍叔之子 善讀書則詞不達意欲矯空談之弊乃激而 瑕終不能廢其所長也

**文定四庫全書總目** 八卷十九 經部 周官禄田考三卷浙江巡 國朝沈肜撰彤有尚書小疏巳著錄自歐陽修有 說精客淹通於鄭賈注疏以後可云特出其中稍 經起例推闡旁通補經所無乃適如經之所有 有牴牾者如謂子男之國不得有中士考孟子 **禄之數不見於經者或求諸注不見於注者** 辨者不過以攝官為詞形獨詳究周制以與之 因撰是書分官爵數公田數祿田數三篇凡田 禮官多田少祿且不給之疑後人多從其說即 撫 乏 則據 周

禮太宰賈疏釋此文謂朝聘之位次國之上士當 之三分鄭注謂上中下士二十七人各三分之周 有中士矣王制又曰若有中士下士數各居其上 凡 凡五等諸侯之上大夫卿下大夫上士中士下 **大國之中士中士當下士下士當其 空小國之上** 子男為小國王制日王者之制祿爵公侯伯子 小國地方五十里有中士倍下士之文趙岐注 當次國之中 五等孔類達疏謂諸侯統公侯伯子男則子 工中士當下士下士 當其空故

大色四直全替恩目 賜之以先聯三命之服先八邑襄公二十七年 以瓜衍之田襄公二十六年傳三月甲寅享子展 宣公十五年傳晉侯賞桓子狄臣干室叉賞士伯 之又加賜以田夫賞田且無常數況加田乎春秋 常輕重視功又日惟加田無征鄭注日 數三分之數與經文展矣形又謂加田之制國 二十里者極於二十五里考司勲文曰凡貨地無 各居其上之三分若子男無中 士則小國之士不 加田旣賞

據經文今形既據經文即當然考經義求其陷合 殊為誤記且班志非為問官作注故立算不必盡 於班固刑法志今考百萬井而去三十六萬井乃 傅畧無明文又形算畿內百萬井去山陵林麓等 其鄙六十此無論其為資為加率無常數正可與 公與免餘邑六十襄公二十八年傳與晏子即殿 三十六萬井存田六十四萬井以爲三分去一 司勲文相證而彤定以二十里十里五里稽諸經 人とデース 分而去九班志本不云三分去一形所引 7 大艺四星至了 1 光二 上經部 受之田既較近郊為加多則所去之地即當較近 五也夫以三分去 郊為加少故郊內三分去一而遂外僅十八分去 百畞萊二百畞相通六夫而受十三夫之地其所 地家百畝來五十畝中地家百畝來百畝下地家 易之地家百畝一易之地家二百畝再易之地家 六遂以外則用十八分去五之法蓋近郊以內不 三百畝相通三夫而受六夫之地至六遂以外 考鄭載師注算近郊百里則用三分去一之法算 一算遂外之地且猶病其過多

**周禮舜義舉要七卷安徽巡撫** 國朝江汞撰汞字慎修婺源 新說於經義多所闡發其解考工記二卷尤為精 **疎於考校然其百處** 疏也至謂遂人 加軫與轐焉四尺也彰圍尺 而況於一 云湛深經術者也 / <u>4</u>3 . 5. 如經文六尺有六寸之輪軹崇三尺有三寸 ジーン 一 ン雅美 一十五分而去九乎此不信鄭注之 、十夫亦爲井田乃襄朱 失者僅此三四條耳亦可 是書融會鄭注念 八緒綸尤 所

CANTE ASTRON 以密率算報半徑五寸一分弱中間距軌上 徑三寸二分加轐方徑三寸六分共高五寸八分 可容轂轉以五寸八分加後軫出轐 **躺亦在與下度與者則兔圍與當兔同可知軸** 文輈八當兔之圍居輈長十之一方徑三寸六分 稍高容彀轉故轂上必有轐庋之轐之圍徑無正 未及詳解永則謂軫方徑二寸七分有半自軸心 上至彰面總高二寸轂入與下左右軌在轂上 圍不著并軫轐以求七寸之崇頗爲難合鄭注亦 1經郵

枕橫也橫在下也薦板在上

如薦席也似興

一而彰在下永謂彰面與輿板相平

似乎

以見云云考釋名曰彰橫在前如卧牀之有

大三四王三書記丁 一天一 し 郷部 尺三寸謂之為式又於式上二尺二寸橫 操其式式之制具詳於曲禮孔疏其說謂車箱長 伏兔下革厚尚未算入要其增分甚微固亦無妨 為之永則謂操兩曲木自兩旁合於前通車前 之為較至宋林希逸又謂揉者揉其木使正直而 於約算也又經文日參分其隧 處尚有革承其間永算伏兔距穀崇三寸六分而 四尺四寸而三分前一 叉考說文日輟車伏兔下革也則是伏兔鉗穀之 後二横 木下去車垛三 在前二在後以 木謂

4


言之兩端與兩畸之植軹相接軍中望遠亦可 分隧之 ノムニラ シー ン確教 一皆可謂之式式崇三尺三寸並式深處 

記如何三者有車必見其式云云考鄭注日兵車 是也若較在式上如何能登軾而望若較於隧三 足履前式一 之式深尺四寸三分寸之二則經所云]在前者 分之前橫架 足覆旁式左傳長勺之戰登軾而望 木則在陰板之內車外不見式矣

皆為式凡一尺四寸有竒之地注始得云式深若

木名之日式則一木前後

でなる主意を書心目のピタイト 考之詳矣 名 注 而度之以 更不為式注叉何得以 徴其他 調揉之使直尤屬不 日較在 顯然至於經文凡云揉者皆揉之使曲 云酸兩翰 於車箱 援引 箱 兩輔 內蓋未會 一出式者 典核率皆類此其於古 則兩較各在兩箱之 山空前 云較在式 · 考均不 鄭注式 兩輪則兩箱板也上 深淺度式乎孔疏謂橫架 上 及永之 是其明證 深二字之 生兰 上明矣故 一所說確 制亦 孔疏 義 而希 出 又鄭 可 定



喪第四既 第一四公食第一年禮第二四公食第一日 一、鉄之 一餘漢代所

冠 十五覲禮第 凶雜亂故鄭不從之也其經文 、特性第十少年第十 所傳者謂之今文簪恭王壞孔子宅得古儀 别錄尊卑吉凶次第倫序故鄭 射第五燕禮第六大射第 禮第 三旣夕第 昏禮第二相見第 劉向別錄本即鄭氏所註買公彦 十四聘禮第 〈喪服 十五公食第 有司徹第十 |其下則鄰飮 (亦有) 用之二 處第八喪 一戴尊 - 六觀 第 14

राजियार राजका 附 其 註 是也從古文 於 註 十六篇其字皆以 所註後 本其從今文而不從古文者則今文大書古 八隋志然 一冠禮禮 自元以前絕無註本元後 沈重見於 冠 1.0.1 鄭而已 禮 而 辭孝友時格句註今文格為假是 闡 買公彦 北 不從今文 西闕 川馬 鄒 史 序稱 外旬註古文 又有無名氏 初 周禮註 者則古文大書今文 舳書 謂之古文元註祭 有 闡 者 王浦 佚也為之 一家見於 寫 則有多 黎閩為感 注 业

まりに 炎武 然皆不傳故買公彦僅據齊黃慶隋李孟悊二 觶 虞 其注疏遂亡卵射禮 也 尤多士昏禮脫壻授綏姆辭 一疏定為今本其書自明以來刻本姓訛 授 者祭卒 節 日知錄 脫哭止告事 え二十種類 取第 觶 四字賴有長安石經據以 日萬歷北監本十 拜長 者 业 脱土 出七字特性 鹿中 日未教 字少年 翿 經中儀禮脫 旌以獲七字 補 價食禮 木 饋食 足與 此

節

為

脫

殊甚

碩

大三日中 公李弘王 儀禮 陸 識誤三 浙 宋 釋者亦代 於 监本有汴京 氏 監 編其所引據有 囀 張淳撰淳字忠甫永嘉 如 釋文 是也 運 刻矣云云葢山儀 巻 判官直秘 典永 今黎 不敷 本樂 卷淳為之校定因舉 之巾 考諸 寫 細 閣會逮 周 箱 廣 刻 (順三年 本机之 有訛猝不能校故 禮文 刊儀禮 和字 鄭氏注 奥傅 顯德六年 所改字句 乃乾道八年 於錄 紕 彚 重 漏 為 卷 14

母気口匠と言うが上 シスーー 職類二 忠甫 青以識其誤號為精容然亦不能無奸謬又 善本而鄭註賈疏之外先儒舊說多不復見陸 不 永樂 成編其鄕射大射二篇適在汞樂大典缺卷中 文亦甚疎暑近世示嘉張淳忠甫校定又為 近 箱本祭以陸氏釋文賈氏硫覈訂異同最為 可復考矣朱子語錄有日儀禮士所罕讀難 大典所載諸條猶散附經文之後可以綴 所校儀禮甚子細較他本為最勝今觀其 世人無傳本故朱彝尊經義考以為已 詳 銯 順

欠三月直至李思丁 / 2... 淳自序言裒所校之字次為二卷以釋文誤字為 史藝文志作 揜原本殘缺數處亦考訂補 則朱 匪淺小个覆加檢勘各疏明其得失俾瑜瑕不 不傳於今者亦藉以得見崖界其有功於儀禮 栋 而古經漢注之訛文殷旬藉以考識舊槧諸本之 卷附其後總為三卷則宋志一 守 子所謂不能無舛謬者誠所未免然是書存 釋文往往以習俗相沿之字轉改六書正經 卷而陳振孫書錄解題作三卷考 亚亚 輯附於下方其書 卷為傳寫之 9 相

儀禮集釋三十 金久上原公室并上一人先二一一禮類二 塒 校定禮書葢習於禮者云云則如 别章句之指為釋官以論官室之 誤淳熙中李如圭為集釋出入經傳又為 者不復誦習乾道問有張淳始訂其訛為儀禮 幹案文獻通考引宋中興藝文志日儀禮旣廢學 朱李如圭撰如圭字寶之廬陵人官至福建路 明矣今仍釐爲三卷存其舊焉 而陳振孫書錄解題言如圭淳熙癸丑 卷承樂大 圭當與朱子 制朱熹常 Ŀ 進士 綱 颠 E 同 誠 撫

444 マーシュン 東 釋宫各 完具者尚上 見今從永樂 博引以為之釋多發賈公彦疏所未備又撰綱 癸丑陳氏馬氏各訛 禮學者鮮治是經如圭乃全錄鄭康成注|而旁 元之三年朱子校 獻 元凡十六年 通考 篇 五篇惟 八大典錄 世無傳本故朱彝尊經義考俱云 中間實無癸丑紹興癸丑為高宗改 M. 正儀禮乃在晚歲疑當為紹 /作紹與癸丑進士 鄉射大射二篇在永樂 出排 字也朱自熙寧中廢罷儀 纂成書十七篇中首 考淳熙和 熈

金分匹庫全意名 一十 典釋文張淳儀禮識 注往往訛脫如圭生於南朱尚見古本 飲卷內其綱目 正補注疏本經文脫字二 巳得其十之九炙儀禮 兩篇如圭之釋雖佚亦叅取惠棟沈大成二家 辨證者不勝指數各附案語於下方其鄉射 衍字 補注文脫字五百有三改訛字一百三十 一百六十九併泰考唐石經及陸德明經 篇亦飲無從考補姑仍其舊 誤及各本文句字體之殊 十四欧訛字十 經因治之者希經文 四刪衍

父三月宝三十 釋官 於錄焉 宋 帙今析之得三十 篇篇自為卷其間文句稍繁者篇頁太多難 删衍字十 刪衍字 李如圭撰如圭 1 老典系本樂 い場がしてある 制仿爾 成儀禮之 大 註文脫字四十 一既為儀 宮則仍自為 經文 脫 5

1.51年二年一人大二 見顧命孔疏又 註而據聘禮賓館於大夫 記註疏於考證明如據顧命東西序東西夾東 飲酒及少年饋食證 深得經意發先儒之所未發大抵類此 文證寢廟之制異於明堂而不用鄭志成 子諸侯言左對右言東對西者 所能也 **旨室因文武不敗作故制同諸侯之** 、如大夫士東房西室之說雖仍 一一證 士亦有左房東房之 其亦有右房據 同其辨析 北非以空 西

とう日ま またに 者倘不能備知其處則於陳設之地進退之位 之 房皆但存賈疏與是篇所言不同是亦不出朱 儀禮經傳通解於 再錫語題姜秀才課 之文者遂疑為朱子 之較定禮書疑朱 如序楹楣 相 證矣古者宫室皆有定制歷代屢更 同惟無 パシュー 一級部 阿箱夾牖戸當樂當碑之屬讀儀 7.引朱 鄉飲酒薦出自左房聘禮負 子固嘗錄如圭是篇而集朱 冊遂誤編入越集耳觀朱 所撰取以 中興藝文志稱朱子嘗 入集猶蘇軾書 漸非

子大人匠 八八年 ● 一一一 禮類二

傳惟永樂大典內全錄其文别為 不能知甚或以後世之規模臆測先王之 釋刻之桂

與集 儀禮釋官葢其所據猶為朱本今據以錄出 釋相輔其間字句與朱子本 稍有異 卷題云李 同似

禮圖 圭之舊焉 '卷儀禮旁通圖

卷

藏內 本府

為初葉此為定本今悉從永樂大典所載以存

失其真是篇之作誠治儀禮者之圭臬也宋陳 林郡學舍兼刻是篇今刻本

度數

ラミロモ を注明なし タニー PH 车 以圖凡二百有五又分官廟門冕弁門生 取舊說疏通其意各詳其儀節陳設之 度更考之 中 是書成於紹定元年戊子書錄解題謂成於淳熙 西漕以所撰儀禮經傳通解續獻於朝貽文林 朱楊復撰後字茂才號信齋福州人鄭逢辰為 為圖二十有五名儀禮旁迎 蓋未核其自序也序稱彦陵趙彦肅作特性 禮圖質於朱子以為更得冠昏圖及堂室制 刀佳復因原本師意錄 根据 圖 附於共後 十七篇經文節 方位繫之 泉禮卷 胍

金ケレルニーオー 僅 室之 圖 序外兩夾劉熙釋名 如主儀禮通釋朱子儀禮經傳通解皆特出釋官 經 乃與房室並列則公食大夫禮宰東夾北 列 篇以總郭 可 一制然後所位所陳掛讓進退不失其方故李 謂用心勤摯惟是讀儀禮者必叨於古 但隨事立圖或縱或橫旣無定向或左或右 七圖頗爲漏畧又遠近廣狹全無分數 **隅遂似滿屋散錢粉無條貫其見於宫** 大綱使衆目皆有所麗是書獨廢此 禮類 所謂在堂兩頭故曰夾是 内 如 廟

大三月工人主意記目 **儀禮娶義五十卷**郷 江 吳 始之難工可也 明然其餘諸圖尚皆依經給像約舉大端可粗 塾之類皆非其處所矣如斯之類殊未能條理分 禮七組在西塾之西無其地及士冠禮賓者負東 與東西塾同在 注云房中之東當灰北者皆茫然失其處所矣 疏云位在北堂之南特性價食禮豆籩鉚在 禮之 )梗概於學者不爲無稗一 基圖乃分在東門西 經部 玉本 二舛漏諒其 训士: 見

· 美工厂 之三 シャン 滁 謂其不甚分明葢亦有故了翁取 **複雖詳贍而傷於蕪漫端緒亦不易明朱子語錄** 彦疏存耳鄭註訓詁深與猝不易通買疏文繁句 書本例如是也儀禮 唐志亦僅四家新唐志僅三家今惟鄭元註 稀其著錄於史者自喪服諸傳外隋志僅四家舊 宋魏了翁所撰九經娶義之一 而節取注疏錄於下方與周易要義畧同葢其著 目條理殊然使品節度數之辨展卷即知不復 11/11/11 **禮類**二 經最為難讀諸儒訓詁 於每篇各為條 而刪剟之分膽 買公

クミロミノを見ばし 儀禮逸經一 禮記 補儀禮之遺凡經八篇曰投壺禮曰奔喪禮取之 元吳澄撰澄有易繁言已著錄是篇掇拾逸經 說鄭賈之 雖所採不及他家而儀禮之訓詁備於鄭賈之 以詞義輕轕為病其梳爬剔抉於學者最為有功 大抵以注疏為藍本則此書亦可云提其要矣 、戴禮記而以小戴 日公冠禮曰諸侯遷廟禮曰諸侯譽廟禮 老柄江總督 )精華備於此書之所取後來詮解雖 禮記相衆定曰中 取

タート人と言うましてノーー 儀曰公食大夫儀曰朝事儀其郷射儀大射儀 由古 儀日郷飲酒儀 記著所出鄭註不著所出則與王應縣鄭氏易同 其原文葢做朱子儀禮經傳通解之例其引一 所引逸文其編次先後皆依行禮之節次不盡從 稀于太廟禮曰王居明堂禮取之 記射儀篇所陳天子諸侯卿 則皆取之一 八著書不及後來體例之密不足異也其 日鄉射儀曰燕儀 一戴記日冠儀日昏儀 離灯二 夫之射釐之 日大射儀 鄭康成三禮 日士 相 日 戴 聘 取

一、五日里 今で、小丁 幣丈八尺純四郡中 至東漢鄭康成註三禮曾引之天子巡狩禮云 踬 敞 舊本非喬新 澄 九篇謂之逸禮平帝時王莽立之旋廢猶相傳 其士相見公食大夫 偶遺之明何喬新嘗取以次朝事儀後并為之 通志堂刻九經 擬記而 篇曰漢與高堂生傳禮十七篇孔壁出多三 1/11/11 作者尚有投壺儀 本也又閻若璩尚書古文疏證第二 型印 解復佚其文葢所據乃未補 **霤禮云以功布為道布屬** |儀則取朱劉敞之所補 篇亦見公是集 制

· 6天口:人以下来 □ / 光 一 十 禮類] 陳 明堂禮云出十五里迎歲又云帶以弓韣禮之祺 黍稷祭肉祭醴皆三祭肉脾一腎再既祭徹之 亥不得丁亥則已亥辛亥亦用之無則苟有亥焉 **貢禮云純四絮制丈八尺禘于太廟禮云日用** 西乃制牌及腎為俎奠于主北又設盛于俎西祭 尸皆先設席于奥祀戸之禮南面設主于戸內之 可也又中霸禮云凡祭五祀于廟用特牲有主有 几烝嘗禮云射豕者軍禮云無干車無自後射朝 鼎俎設饌于筵前迎尸暑如祭宗廟之儀王居

Plant Care 谷 設主于牖下乃制心及肺肝為俎其祭肉心肺 居明堂禮云毋宿于國叉中霤禮云祀中霤之 俎 于竈陘乃制肺 又中霤禮云祀竈之禮先席于門之與東面設 下其子必得天材又云季春出疫于郊以 門左樞乃 南亦祭黍三祭肺心肝各 更陳鼎俎設饌于筵前迎尸 他皆如 1/2/2011 和戸之 制肝及肺心為俎奠于主南又設盛 及心肝為俎奠于主西 平 禮叉云祀門之 妕 祭醴一 祀 禮北 之禮 一亦旣祭徹 又設盛 面 一藏春 又

金矢工厂全量工厂 季冬命國為酒以合三族君子說小人 明堂禮云孟冬之月命農畢積聚繫牧 秋 俎東祭肉腎 道致梁以利農也又中霤禮云祀行之禮北面 民畢入于室曰時煞將至毋罹其災又云季秋 秋 于販上乃制腎及脾為俎奠于主南又設盛于 九 **組東其他皆如祭竈之禮又王居明堂禮云仲** 命 門磔礦以發陳氣禦止疾疫又云仲秋農 國醵逸奔喪禮云 光二 **脾再其他皆如祀門之禮又王** 八樂又云 牛馬叉云 順 居 設

. 年洪武中為監察御史永樂中 汪克寬書則條理精密多矣明 哭 髮即位不袒告事畢者五哭而不復哭也又云哭 無服者麻凡二 袒免為位者唯嫂與叔凡為男子服其婦人降 父族與母黨 篇楊愼求之 篇僅及其三云云則亦不免有所疏漏然較之 Mi ١, E 一不踊又云凡拜吉喪皆尙左手又云無 . 于廟妻之黨于寢朋友于寢門外壹 內閣不見其書朱彝尊經義考 干 型针 五條爲篇名者 一儀禮逸經十 統志沅州 、吳草廬逸 劉 有 有 經 服 而

儀禮集說十七卷 多 記或先儒之說以補之又未足則附 授是書成 於大德辛 類甞從受業後以江浙平章高彦敬薦授信州 有年姓名葢當時亦知出於澄矣 其說似乎有據今世傳內閣書目惟載澄書不著 有年所進即澄此本逸經八篇傳十篇適符其數 **元敖繼公撰繼公字君善長樂人家於吳與趙** 而醇 少刪其不合於經者意義有未足則取疏 孫進本 兩江總督 禮類二 ·丑前有自序稱鄭康成注 U 疵

金姓匹庫全電湖上 ★二十

小人生 日本一人 注疏之 字研求務 D 公於禮 叉多古語 同各自 不攻駁所不 矣卷末各 務証漢儒 面 抒其心得初 所得頗深其不合於舊說者不 服傳建 1/1/201 賈公彦疏尚未能 而隨聲佐 厥肯實能有所發揮 取無吹毛索垢 餘習然於鄭注之中 悖經義非子夏作皆未免南 正誤考辨字句煩詳知 严 | 關者有| 非矯激 不 以爭名故與目未 百計求勝之心葢 同也 則亦不 申 明繼公獨 且鄭注 錄其所 過 非徒 所見 病 俪 其 取 異 約

金发工 儒謹嚴之 可卷末特為後序 記者之意自比於以督男子之不可學柳 而發者有兼為兩條而發者有兼為數條而發者 疑為鄭康成散附經記之下而不敢移其舊第 詞者其喪服 へついる 亦有於經意之外別見他禮者不敢移掇其文 經文各條之下繼公則謂諸篇之記有特為 一篇之後記朱子經傳通解皆割裂其語分屬 2 遺固異乎 篇以其兼釋記文知作於記後 禮類 篇記之則繼公所學猶有 王柏吳澄諸 12 〈奮筆而改 惠 條

ここれへいろう 禮補逸九 禮之目 以吉凶軍賓嘉 年卒於家事迹具明史儒 者也 入小戴記春秋三傳以及諸經之文有涉 嘉禮之目 五十 家藏本 有 淮馬 明初徵修元史以 五 亚亚 一禮統之吉禮之目六十 軍體之目二十 裕 傳是書取儀禮 而 泰定 "歸洪武 周

金是口庫手事,里一人先二十 亥嘗烝禮之桓公八年正月五月再烝大閱禮 桓公六年秋八月大閥朝禮春秋之書朝三十六 有事於武官嘗禮之 差無緒又此書實考典文非考故事乃多載春 失禮之事雜列古制之中如洞禮之昭公十五年 條條連綴書之合為一篇文相屬而語不屬遂衆 例亦不甚講如每條必標出典是矣乃一類之 克寬究心道學於禮家度數非所深求於著書 公及宋公遇于清會禮之春秋書 2桓公十四年壬申御廩災乙

1.10 A 1 1.11 文不置 禮之襄公二十八年楚人使公親穟會葬禮之襄 **祭寒暑禮下詆鄭康成徒見木鐸徇冷一節與夏** 公二年諸姜宗婦來送葬皆失禮之尤乃臚列其 年宰恒歸惠公仲子之賜三年武氏子來求與襚 傳公又諸侯大於禮亦引此條賻開禮之隱公元 繫以論說糾正其謬至於於嘗禮之文公二年躋 命點經禮之莊公四年夫人饗齊侯于祝丘何晷 會九十五錫命禮之莊公三年王使榮叔錫桓 1/1.1 工工 語不幾使讀者謂古禮當如是乎至於

**承**是匹庫全書家■ 第二一十 禮類 等力圖刊布因為手校且華先生之像於編首别 麗而無刓補真贋之迹歟然甚明先生元孫文藁 號精確乃百計購得之其原本雖被改寫然有附 既没悉被一 有書是書後日環谷汪先生著書凡十餘種先生 **令漢儒 所作指為呂不韋作者不知何據似未** 載康成注書祇有二十九篇又王居明堂禮謂月 呂氏春秋有十二月紀亦殊疎漏程敏政篁墩集 書孟春合遂指正月為夏正似未見隋書經籍志 人竊去攘為已書經禮補逸一

御定三禮義疏之第二部也其詮釋七例與周官義疏 飲定儀禮義疏四十八卷 乾隆十三年 同分經文為四十卷冠以綱領 之敷以其元人舊帙議論何不失醇正站存以備 爲附錄一 無其像亦無敏政此跋或後人別得改寫之本刻 八卷數殿川 家焉 卷云云此本有附錄關文行狀之類而 禮器圖四卷禮節圖四卷儀禮至難 T I 卷釋宫 一卷不

**欽定四庫全書粮目** ◆卷二一十 減熟二 文之同異則全採鄭注而移附音切之下經文記 之說互相祭考釋官則用朱子點定李如圭本禮 段則多從朱子儀禮經傳通解而以楊復敖繼公 文之次第則一從古本而不用割附之說所分章 公所說為宗而察核諸家補正其舛漏至今文古 疏通鄭注而正其失號為善本故是編大盲以繼 即偶有論述亦為數無多惟元敖繼公儀禮集說 學不可空言騁辨故宋儒諱其所短多避之不講 讀鄭註文句古與亦不易解又全爲名物度數之

家 敷 士 恭 大百十二公子 **聖朝表章古學萬世** 儀禮鄭注句讀十七卷附監本正誤石經正誤 國朝張爾岐撰爾 非遭遇 M 沿溯以得其津涯考證之功實較他經爲倍蓰曾 編搜剔疏爬使疑義與詞渙然氷釋先王舊典可 器則用聶崇義三禮圖本禮節用楊復儀禮圖本 **利其訛謬拾其疏脫舉數百年庋閣之塵** 1/24 · \_ 岐有周易說畧 一經部 **時之嘉會數** 者錄是書全錄 卷江浙

15 監本附益之手自黙核并取朱子禮書與其門 為講經之先務沈約宋書樂志於他樂歌皆連書 廷鸞之書不傳爾岐是編體例畧與相近案禮記 高弟黃氏楊氏續補之編分章條析題於其上今 本儀禮正經注語皆標起止而疏交列其下因以 考載其父廷鸞儀禮注疏序稱其家有景德中官 儀禮鄭康成注摘取賈公彦疏而畧以已意斷之 因其交古與難通故併為之句讀馬端臨文獻通 シミュンド かんてーー 臓想 年視離經辨志注日離經斷句絕也則何讀

甚爾岐茲編於學者可謂有功矣顧炎武少所 典所刊石經補字最爲舛錯亦一 顛倒經注混淆之處皆奈考得實又明西安王堯 子與黃榦所次經傳通解諸家其謬誤脫落衍蒙 則有唐開成石刻本元吳澄本及陸德明音義朱 其句遂每句空一字皆之則難句者為之離析亦 古法也至於字句同異考證尤詳所校除監本外 經自韓愈已苦難讀故習者愈少傳刻之訛 **鐸舞曲聖人側禮樂篇有聲音而無文義恐述** 駁正葢儀禮

プラロ・一人で 語い

- 運郵

儀禮商二卷浙江巡撫 金大儿 吳氏儀禮考注訂誤一卷今不在此編中然此編 至非徒然也爾岐蒿菴集中有自序一 獨精三禮卓然經師吾不如張稷若乃推挹之甚 見之必不僅謝監嶽之稱許也又其廣師一篇日 求聞達故無當時之名而其書實似可傳使朱子 ○ 一一一一 乃新刻之本無所佚脫或是卷又自别行歟 儀禮鄭註句讀頗根本先儒立言簡當以其八不 許而其與汪琬書云濟陽張君稷若名爾岐者作 篇稱向有

1:1 國朝萬斯大撰斯大字充宗鄞縣人 見裼衣則裼衣之上更有衣明矣買疏曰假令冬 外之裼衣皆禮服矣考聘禮鄭注曰裼者免上 \* 1.44. -**有楊衣裼衣之上有上** 有裘襯身有禪衫又有襦袴襦袴之上有裘裘 服聘禮旣聘而享賓主皆裼以將事推此則凡 禮解衣之楊襲謂裘外之衣謂之楊衣楊衣即 撝謙序稱喜其覃思|而嫌其自用亦篇論也其脾 心篇篇為之說頗有新義而亦勇於信心前有應 1 垩 一服皮弁祭服之 **〈是書取儀禮** 

金是匹尼全三般日丁名一 襲衣乃於楊衣上加深衣葢楊衣直於故露美 **衣**交衽故不露美也今即以 **裼衣之上無禮服不特迕註且悖經矣斯大又** 稍衣以裼之大夫助祭服育弁純衣亦特以元稍 衣為楊未聞其不用純衣而用元納衣也然則 諸侯皮弁視削特以錦衣為楊未聞其不加皮弁 之等矣至玉藻所謂君衣狐白裘錦衣以裼之葢 而專用錦衣也玉藻又謂君子狐青裘豹褒 如斯大之說則裼衣之上不得更有皮弁祭 聘服皮弁考之皮

¢ 降再拜若廂在堂下則旣退於廟又何降乎故鄭 **庶考公食大夫禮云賓升公揖退于廂下又云公 型也其廟寢圖列東西廂在東西堂之下如今廊** 廟而各服庶人之服以相見以為此其充美無是 注以廂為堂上取夾之前漢書董賢傳太皇太后 弁而獨聘時深衣而襲則聘服反殺於享服三等 衣深衣為庶人之服聘禮重聘而輕享若享時皮 服之下為朝服朝服之下為元端元端之下為深 K

金是正正全書記日 淹通用思尤銳其合處往往發明前人所未發卷 傳注曰个東西廂也東西个在堂上則東西廂不 **末附荅應嗣寅書辨治朝無堂尤為精核棄所** 在堂下明矣斯大所圖亦非經義也然斯大學本 延壽齊靈光殿賦日右个清晏李善注引 召大司馬賢引見東廂則東廂非廊應間明矣 而取所長亦深有助於考證也 七卷編建巡撫 一个卷一 禮報 述注已 杜預

· 大五丁三里 二大丁品 **轋或謂之賴丸後漢書南匈奴傳日仝齋雜繪五** 此傍借頓丸以明犢字之訓非經之正義刪之可 踞杜注水頓丸或云韇丸箭第方言目弓滅謂之 **轒丸也考左傳昭公二十五年公徒釋甲執永** 也至如士冠禮贊者洗于房中側酌醴注贊酌者 百匹弓鞬鞼丸 冠禮筮人執莢抽上頓注日今時藏弓矢者謂之 之說附於後其中注疏原文有可以刪削者如士 **注買疏總撮大義而** 矢四發造遺單于廣雅作献 驱犯 取其詞亦問政諸家異

おケート人会事 ニース・カーーコ 神想 者義遂不明為刪所不應刪矣又注載古文今文 **賓尊不入房光坡節此二句則賓不自酌而用贊** Ī

以古文之捥證今文之掔義更明駙而光坡築節 篇述殤之擊高誘注日擊古手捥之字也據此則 **捥考管子弟子職飯必捧掔羹不以手吕覽本味** 最關經義如士喪禮設決歷于擊注引古文學作

食大夫禮目飲酒漿飲俟于東房注飲酒先言飲 之亦為太簡其旁採諸家之言尤時有未審如公 明非獻剛之酒也又日宰夫右執觶左執豐進設

SANTE ANT A MINE 謂 設于豆東疏又云漿以 **賓之義為正云云今考賈前疏云酒漿皆以** 髓 知酒以優賓但寬不舉爾豈酳口之物哉當以優 間魚腊醬湇不祭夫魚腊醬湆不祭而祭飲酒則 是以優寬兩說牴牾不同下文祭飲酒于上豆之 飲酒漿飲俟于東房疏云酒漿皆以酳口此進 豆東注食有酒者優質也光坡引楊孚之 一飲本並設以待賓用也後疏云漿以酷口不 一飲雖並設其實實止用漿耳前後 平郭 .415 八猶設之 沈

及文工匠 · 老一一一 随想二 食之酒者曲禮曰酒漿處右此非獻酬之酒是酳 而奉之注禮酒饗燕之酒飲酒食之酒買疏飲 酒爲優賔而謂飲酒非以酳口於鄭注優寬之義 獻酬之酒則為飯後潔口之物可知楊氏以設飲 他篇獻酬之酒祭酒不同觀鄭上注明云飲酒非 優寬下文之祭飲酒乃寬加敬以報酳禮之優與 之義亦謂賓酳口止用漿而主人仍特設酒故 亦為未明且攷周禮酒人曰共賓客之禮酒飲酒 相承並無牴牾楊氏殊未解疏意至於鄭注優賓

八三年国会: 長日 此 拜受子 酳 也其義 þ 其 酌 相 Ż 類 鄉 頗 大 · 拜送 拜 最允 東 **四**/シニュ 关也 有 受 北 則 蓋 面 取 獻 此 同 拜 叉 調 受 如 調 又 拜 取 于公公拜受 如 角 特 毋 妒 喪 牲 非 拜 服 饋 加 鮹 考 食 詑 射 夫 先 禮 禮 受脯 考然 拜其子 )物與酒 ₹ 服 之 主 拜 所 如 Hu 寫 洗 拜 盥 兄弟 孫 角 非 洗 非 也 絫 經 觚

イグアルグラー 上一十 取其說亦深有決擇三禮之學至宋 言誠敬 響揣摩橫 察察獎家即郝敬完解之 灃 . 防罕習幾以為故紙而棄之注 生態見蓋周 毎避 則全 本 巡 學者不患於難讀亦足 為度數節文 而不道也光 禮循可談 類稍 坡此編雖 非空詞所 傳於 而 一覇禮記 世者 微至 大其 瑕 明 門

一色日重 二十二 國朝方屯撰也有周官集註 束髮 緇 儀禮之可疑者而詳辨之其無可疑者並經文不 冠缺項鄭康成讀缺如頻升之類裁繼公則謂 錄苞於三禮之學周禮差深晚年自謂治俸禮 一黎屬自來鹋儀禮者多用其說苞謂既有紒 屬鉄項而前繫於兩相以結 布 **次用力良勤然亦頗勇於自信如士** 無為 7.5.4.4 又以 圍冠為飲項别以 緇 刹? 布 **圓短據經文乃以** 一著錄是書大指在基 ·於願下] 物貫之其 11.0 \青組為 冠禮 和鄭 兩相 緇 布

金大口屋三里米三一人 以 為之結然後 且東帛為十 **氏更遠矣士昏禮納徽元編來帛苞云致幣之** 日 **頭皆為鄉別繩穿鄉中藉之廣韻引編為闕類** 讀缺為類固為 毀字而別註云項中有鄉疏謂 網給也則鄭之此註大 下既日如納吉禮則非以人所通行而晷之 具何也士庶人所通行人皆知之決經文便 端相向卷 端詳於周禮鄭註禮記雜記註 加絕叛繼公說猶有未詳苞則去敖 可依據明是欽項有布 兩苞第云執 枘 也

三人三日祖 公子 及日 有 外下 品 發 總 致 燕 例處 掌羊 離 再 載 而苞 拜損 Ē 則 亦復 欿 非辨 射儀 **有左旭以** 兩 2.1.1 出 配皆不詳考之故 不知 有 立 張侯 於土 一手門 规范 為何篩 有爼 相見禮 侯氏近 中 削 矣有 周 相 禮 文所以見 此 辺 辨注謂 也 衍 拜以為待 爼 然 通之 4 帷 闁 於聘 於鄉 起 ŽĮ. 公 字 射

低大口厂 三甲米巨 禮章旬十七 國 朝吳 多於瑕 解使者 甲午 配合乎經義其他稱是者尚夥儉其全書要為 |薦修||禮杭世駿榕城詩話稱廷華去官後 《廷華撰廷華字中林初名蘭芳仁利人康 舉人由中書舍人歷官福建海防同知乾隆 **蕭寺穿穴買孔者二禮疑義數十卷案廷** 业 卷斯汇吳 疑義今未之見而此曹則名章句未 一命未宣不敢受拜禮 本玉 背 細心

なご日見 会にてる 明 讀 别 所未 句 有 服 其 禮 於 訓 孫 讓 句 丧 文 讀過 本 釋多本鄭賈箋疏 為主笺注失之太 (毎篇之 於 禮 非 大功 尤為詳 於墨守 體 抑 置此 疏說 此 中 或 審如士 鄭注 改名 謂 分其 非是 旭 奠此 亦間 章句 爲 魯因 王文 遒 次每節 陳 喪 採 清儀 獨 禮 也 折 飲 衷 111 服 祖為 他 其書 從注說謂 先儒以 說 斬 7 禮 條熬 分節 附案 嫡 內 故 於 孫 析 張 以 孫 條 其 補 何 何 發 疏 讀

金欠口匠人具系具 郑 確惟於三年之喪過信毛奇齡三十六月之說 此說倡自唐王元威當時已為禮官所駁閻 免疑觀冠者案疏調髽與括髮以麻布自頂 潛邱削記辨之尤悉廷華蓋偶未考又謂 在枢東注謂主 疏之 桁外之句外當作 非 額上卻繞髻免亦如之但布廣一寸為 熬而蟻亦俱去葢善法 調祖奠主 人及奠俱在枢 廬 人當 灸諸牆之灸拄也 在 極東奠在其南 也又謂既夕 西 非是頗見精 袒 禮

補 饗禮 國 及考注 朝諸 相 周官春秋傳禮記者猶可得而考元吳澄作 篇有燕禮有公食大夫禮 簡 通 有特著蓋綠聘覲篇中俱 聞 卷斯進江 錦撰錦有毛詩說已著錄是編以儀禮 而畧之殊不知饗之為禮 經學 有觀冠其說亦穿鑿然其章分句釋箋疏 省有補經 固 本巡 撫 寫 無補 八篇補傳 也 而獨 兼 也大非 及饗食謂其 篇獨於饗禮之 無饗禮然其見於 聘 可 孫言 覲 明

◆ 是四庫全書總具 ● 《卷二]十 今之經 相見 大夫禮云設洗如饗謂如其公饗大夫之禮也 下為補饗禮 能該有祭帝給祭之大饗復有天子饗元侯 禮本有 而比次之並取左傳禮 可考亦無自而祭其全因據周官賓客之 是編以周官為 及凡饗賓客之不同使不 乃無是禮則是逸之也云云據其所考 變禮一 卷考敖繼公儀禮集說序曰公食 篇經文 禮》 宗 記中相發明者條注於 可證錦之 固儀 ·自為 所補 篇則 領 禮 雖 兩 諸

禮 經本義 函 廢也 舵 朝蔡德晋 文 有 經 隆 生穿 庭縣門燎掌於 條理尤非牽 固 無背 初以楊名時 七卷拆 此所存 撰德晉字 於 强 進江 於空談臆 類 本巡 「附會之 薦官司 閣 至 17 17 資考証不 撫 八何 於 錫 分 断之 務是書前 無錫 此 注之 人之 E 學 殊說並 一薦遷不 人雍 傳記證佐 以其篇帙之少 雖 Ī 察察不 鷹 選 之 丙午 兩存 六卷皆本 然 游 展 减 而

**繁**四斤全背縣三人卷二 德 髙 白飓以魁柎之 古名物 以 經第十七卷附吳澄所輯逸禮八篇皆引宋元 名 注 經文 於 來諸家之說與注 曰魁頭蓋本於此殊不免杜撰無稽然 斯大之說 則 履 誚 取其 制度考辨 笲 仰筵 潔 問題以木為之 卿 坐櫛設笄敖繼公以為固冠之斧 素說文所云魁蛤是其 頗悉亦問 禮類二 種 注魁蜃蛤柎 疏互相杂考大音皆不 是髻內安髮之笄 明時中 Щ 注也蓋以蛤 新義如士冠禮文 쿮 帽以木為 確 如 證乃 灰 柎 從 明

大运四車全重恩目題人是二十 宫室考十三卷江蘇 國明任政運撰政運有 堂 堂日方明日辟雍考據頗為詳核惟 粳 為誤 廂西為 邚 **冕固冠之笄此未加冠明是安髮之筓繼公所 圭釋宫之外別為** 西為西堂堂上東西牆日序序東為東夾室 日 **塾**日宁日等威日名物日門大 則亦煩 西廂北 漏東 本巡 析 鄉鄉 撫 精密為前儒所未及也 膈 類次日 周易洗心已 西牖南 門 戸屬諸堂東為 日 觀日 著錄是書 小 調房東為東 廣狹 朝日廟 白明 於李 東

インバー 西為西堂如其所說則東西廂在房之東西東 為西夾室南 1 25 127 -堋 東埔西斯北戸偏諸東東為東 禮姓

西

堂

禮 **日東西堂矣然考之經傳實全無根據儀禮** 夾室在堂之東西東西廂之南東西夾室之北 注 注 日西堂西夾之前近南疏日即西廂也 東廂東夾之前相鄉待事之處特性 阚 饋 觐 則

釋宫日室有東西廂日廟 郭璞注曰夾室前堂據 食 禮

此

則東

西廂

即東

西堂明在東

西夾室之前而

敢

謂在東

西夾室之後誤矣公食大夫

禮

日公揖

**文三回重 全書息目** 皆 耳 距 近 便 灰之前俟事之處受束帛 聽乎 日廂 孰 后 序端中間 則事 公當 側 甚 廂下公受等 1 W-11 又金 若 焉 便也若 一于序端受束帛故先立 耳 東廂僻 於東廂聽 是證以經 隔 E 碓 東 傳养 在 廂 正 堂使於此一 東帛 類 文 房東遠在 在 無 師 東房之東夾室之 何 古 于序 從 侑 注 相合叉漢書 而俟事 夾 端 日 北則 正寢之 東 鄉 滋 廂以 東 立注云廂 東廂上 ,則往來 叉 俟 東 何 周 北 卽 昌 從 西室 Z 接 則

イクレグ 二十六十 且儀 盟 東堂下 周 也 隱在房東夾北明矣是核以史事亦 舉傳天子親自露坐德陽殿東廂 也若東廂在房東夾北則是從內出矣後漢 **禪色變走趨卧內葢從東堂趨室內故云從** 下叉云公降盤葢降東階就 禮燕禮小臣共樂匜在東堂下注曰為公 就 夾北之堂下 近也啟運 心質 豈. 謂東堂在東夾 一經義 曰 近 乎 西壁南齊 叉特 樂區故共樂 牲 請 北則是公隆 饋食 無 丽 則東 禮 相 旭

これ日記をまり 人名・一一四下 東為夏學其西為殷學至陸個禮象始謂辟雍居 之左小學日虞庠在西郊見於王制注三代之學 所在無文至劉敞始謂辟雍居中其北為虞學其 宗北之西為虞庠今考周太學日東廖在公宫南 序右之前日瞽宗右之後日虞庠於四郊先為四 國學南之東日東膠北之東日東序南之西為瞽 為學者五中日成均左之前日東膠左之後日東 堂在東夾北則注於堂下當云北齊于站矣啓運 不究儀禮全經自立新說故其失如此又謂周之

宗廟在雉門內引禮運仲尼與于蜡賓事果 並立東序瞽宗於郊尤為特創不足據也他若 郊之虞庠據此則周特為虞庠於四郊而啓運謂 之西學在北郊謂之北學故鄭注祭義日周有 中在東郊謂之東學在南郊謂之南學在西郊 無所出又三禮義宗日凡立學之法有四郊及 運葢襲其說遂謂四代之學皆在學中而不考其 中其南為成均北為上庠東為東序西為聲宗啓 觀之上穀梁傳禮送女母不出祭諸母兄弟不! 國

八三丁三八年 して 肆獻課饋食禮三卷兩江鄉督 國朝任啓運撰是編以儀禮特牲少牢饋食禮皆十 得於經則求諸注疏以補之凡五篇 禮因據三禮及他傳記之有關於王禮者推之不 目矣 秩然雖間有疵謬而大致精核要亦不愧窮經之 矣儀禮 出 吉蠲三日朝踐四日正祭五日釋祭其名則取 國門如此之類則頗為精審可以與鄭注相 /.V.111 經久成絕學啓運能研究鉤貫使條 部 1.1161 日祭統一 理

金大上月子書名日四八光一一一禮初二 故并使男子官此天子禮有婦官與彼異啓運此 書既推天子之禮而仍據少年之文則世婦帥女 少牢罹溉以饔入麇人司官者彼大夫家無婦官 世婦掌祭祀之事帥女官而濯溉為齊盛賈疏謂 為精密其中如吉蠲篇省牲視濯節日饔人紙鼎 **廩八溉甑甗司空溉豆獲及勺爵个考周禮天官** 之所出其後並附載經傳較之黃餘所續祭禮更 之內又各為節次每節皆先撮已說而自註其說 周禮以肆獻祼享先王以饋食享先王之文每篇

大定可重全套應可 者從昭穆有爵者則以官與公侯列西階孔意益 欲使中庸與文王世子三 中庸宗廟之禮所以序昭穆也孔疏謂同姓無爵 族在宗廟之中如外朝之位宗人受事以酹以官 不序齒可知案同姓之位舊說多岐文王世子公 同則弟不妨先兄觀中庸於燕毛言序齒則昭穆 西而東以尊卑為序葢世異則子不可先父世相 在昨階自北而南以序昭穆爵位則於一 官濯溉之文遂無歸宿又列位節啓運謂同姓皆 卷二十篇 孟 世中自

據今考大宰日及祀之日贊王幣爵之事上承祀 皆未及引大宰少宰文及大戴禮諸侯遷廟禮爲 鄭義別創昭穆不序齒之說與經義殊為不合又 齒其位亦以齒確有明文啟運不用孔義又不用 穆猶特牲少牢饋食禮之衆兄弟則兄弟賜爵以 與穆齒羣有司皆以齒此之謂長幼之序註 止祭篇有薦幣節自注云據薛氏禮圖鄭氏孔 小與宗廟相涉小宰日凡祭祀贊玉 凡賜爵昭為 穆為 昭與昭齒

H

次三四直在雪息三人子二十 趣即 諸侯遷廟禮明云成廟將徙敢告又云告事畢 字之誤也制幣 帝也惟諸侯遷廟禮有云成聲三日孝嗣侯某敢 祭無幣故曾子問日凡告用牲幣注曰牲當為制 以嘉幣告于皇考今考宗廟之禮惟告奠有幣 伯以玉作六器其幣各以其方之色亦是據祀五 **腎之事熙将之事賈疏云對玉幣虧據祭天而下 云裸将是排外宗廟則實幣非祭宗廟明矣大宗** 擇日為祭焉則告禮而非祭禮明甚而敢運以 一丈八尺叉大祝注云告用牲幣

彭

こととして人と問じて 之證宗廟正祭亦爲牽附又正祭篇曰后又羞箋 ラーニー 派教

| 換餌粉資蓋豆|

一酏食變食內饔贊薦自注云

**瓊夫加豆邁隆於內羞王后已不親薦況內羞乎** 亦無所出又春官內宗曰掌宗廟之祭祀薦加豆 凡宗廟之祭祀掌割亨之事無薦內羞明文孔疏 孔疏但云內饔薦兹據薛氏禮圖今考內饔職

牲之前薛圖列在三獻之後今考內宰疏曰王

尾融貫極有倫要如后薦朝事豆籩啓運列在納

啓運沿薛圖之誤亦為失考然大致綜覈諸家首

司尊彝註日饋獻薦孰時后于是薦饋食之豆箋 前甚確薛圖舛謬亦復顯然又后薦饋食之豆箋 **贊幣而從據此則朝事薦豆箋賈疏列在剎牲之 啓運列在五獻之前薛圖列在五獻之後今考鄭** 牽牲入則啓運之說確有所本又考明堂位君 迎牲時祝延尸于戸外之西南面后薦八 袒迎性于門夫人薦豆箋其下云君親牽性大 K 薦孰時則其時初薦孰而未及五獻甚明故少 「婦薦韭菹醓醢葵菹蠃醢尙在尸未入以 .... 至卯 豆篾干

金是匹庫全種派 一卷二十 儀禮釋宫增註 國朝 與續儀禮通解亦可以詳畧互考焉 前即知后於饋食薦豆箋必不在五獻以後凡 多所發明補正其稍有出入者僅 今仍其原書所稱而附著其 入典尚未顯於世故不知其 十儀禮釋宫一篇朱子集山 」類啓運考正薛圖之誤俱精核分明存而錄之 江永撰永有周禮疑義舉要已 卷安徽巡撫 九如鄭註謂大夫士 作此書之時示如主之書談稱 世主之書 英獨於 一著錄是書取朱 筆為之詳註 |條而考証

大宝可正《正記》 飲酒義日坐賓于西北則大夫士之戸膈問在 與室戸之間為中又鄉飲酒禮席賓于戸 之則鄉飲酒禮註所謂主席作階上西面介席 酒義又云坐介于西南坐僎于東北若以示說推 北故云坐賓於西北其實在北而正中不知鄉飲 **汞乃謂賓坐戸膈間主人自阼階上望之若在** 酒義尊於房戸之間賓主共之由無西房故以房 子疑大夫士亦有西房而未决考詩正義 而房戸問為正中明矣此大夫士無西房之顯証 野/と111と製作 1 漏 問 郷 日郷

ないストー 三丁オー ツノラーー 確如一 一東面其東西正相向者自主人望介乃在 Ξ

主 而不在西南也鄉飲酒禮所謂僎席在賓東者 鄉飲酒義亦云主人坐于東南即知坐賓西 人望僎乃在北而不在東北也其說殊有難

築室百堵西南其戸鄭箋謂天子之寢左右房具 據堂之西北非主人之西北明矣又詩斯干云 房者之室戸也永謂詩南東其畝謂或南

內或開西戸 **畝或東其畝與此西南其戸語勢正同此燕寝** 、以達於東房考燕寢西戸之側不

大豆耳至是三 人名二二 學術 乃路門之外屏樹之內邢疏前說為得其後說 處註疏連讀之故相沿而誤又謂門屏之間曰宁 雜記大戴禮夾室二字乃指夾以室言之本各 說各無所據也其他說謂東夾西夾不當稱夾室 即東行矣然則燕寢戸皆南嚮同於正寢西嚮之 漢制考之漢書強勝傳云勝為牀室中戸西南 也而註以當戶為嚮明則燕寢之戸南嚮也即以 於經玉藻日君子之居恒當戸寢恒東首則燕寢 下使者入戸西行南面立若為西向之戸則入戸

なしり言い 以為路門之內則誤又謂李巡爾雅注宁正門 兩塾間乃與詩之蓍義同非門屏間之宁也如此 Ξ

郑其非同影嚮剽掇之學矣 之類不可殫舉其辨訂俱有根據足証前人之誤 卷江蘇巡撫

國朝沈彤撰彤有尚書小疏已著錄是書取儀禮十 冠禮士昏禮公食大夫禮喪服士喪禮五篇為之

儀禮小疏 疏箋各數十條每篇後又各為監本刑誤卷末 篇考証頗爲精核如謂牲二十

次三日主《出见三十八父二二十 縣部 者乃為衆子是斬衰之親敖繼公謂齊衰大功之 專眉為折俎取諸脰膉折亦謂之折爼則脊脅亦 祥道則去髀而用敷殊為奸誤又謂祥道以骨折 乃謂死者之妻萬斯大乃云凡儀禮喪祭稱主 親殊誤又謂婦人俠牀東面鄭注所三妻妾子 折可知又辨萬斯大解緇布飲項及廟寢之談 乃止折脊脅不及肩臂臑之骨不知士 體兼有常用禮內賽及士昏禮兩疏乃不數帶陳 士喪禮衆主人在其後鄭注所云庶昆弟子 | 庾記云用

金久したと言うしいったーー 僕卿有假佐三十一人廷尉卿有假佐一人司隷 說皆具有典據足訂舊義之訛其中過於推求轉 皆宗子之妻非宗子之母殊失鄭義凡斯之類其 **考後漢書光武紀有宜且罷輕車騎士材官樓船** 致疎舛者如士冠禮注令時卒史及假吏也形謂 校尉有假佐二十五人每州刺史皆有從事假 **雅陽令有假皆不兼吏名此云假吏者疑吏字**衍 後漢志司隷校尉州刺史並有假劉昭注引漢官 

大三月五三年三月日 人大二一一經部 為誤又士喪禮中中旁寸注云牢讀為樓彤雖 信鄭注而終以牢讀為樓無他証考焦延壽易林 北 之東西起者乃曰榮形據此指郭璞上林賦注所 釋宮引說文屋梠之兩頭起者為榮梠即擔也曆 然不誤又士冠禮設洗直于東榮注云榮屋翼也 云南榮屋南檐者為娛考景福殿賦日南距陽樂 佐即吏也故志稱佐吏以下則鄭注假吏之文灼 失志懷憂如幽陛牢叉曰失羊豧牢無益于憂 極幽崖是南檐通名榮之顯証亦不得云郭注 믜

全天口匠三三六三 人元一一 年蘭即樓蘭尤與鄭注闇合彤疑無證是蓋未甞 引 四韻古音本通鄭注即從當時之讀又考水經 日牢讀如屋霤之霤楚人謂牢為罶葢蕭肴豪尤 釋氏西域即日南河自于閩至鄯善入中蘭 **韻淮南子本經訓牢籠天地彈壓山川高誘注** 

**新也循男子之括髮斬衰括髮以麻則髽亦用** 

麻者自項而前交于額

上卻繞紒如著慘頭

疏所

深考也又喪服日布總箭并髽衰三年注日髽

「公田里人味思い」 アルコーユ 聖部 **髽不川麻布斯亦誣矣彤安得據以攻鄭耶然自** 用麻等句遂指鄭注以髽服三年之髽為露紒之 皇侃乃止取丧服注露紒二字而截去其下髽亦 繩 雖云髽露紒而其下更有髽亦用麻之文其注士 **麥禮亦同葢注中露紒二字乃明髽之去纏旣去** 文以証麻布二 髮不用麻布為露新耳且引此條注中髽露新之 斬衰麻髮齊衰布髮皆未成服之髮其既成服 而露紒又以麻自項卻交於額則髽之制始 | 髽外别為 露髻之髽不知鄭注 르 則 全

儀 金矢区屋三潭系目一次二一 融類二 國 集 共一 朝盛世佐撰世佐秀水人官龍里縣 此 於乾隆丁丑裒輯古今說儀禮者 弘 禮之學亞於惠 而 編 數條之外則大抵援據淹 斷以已意 於 所作 四十 餘翻 卷採浙 周官 為卷僅十七 浙 禄 上奇 隔也然此 江遺書總錄作十七卷且稱積 進江 本 巡 田考而密於所作尚書 撫 而醇於萬斯 者 水 按 E 通無可訾議葢 鏼 經篇數 大此 列十 = 百九十 知縣是書成 書 分之不 卷書 所 疏 形 屯 論 亦

次色四重全量跑到 人名二十 經部 篇 詑 其 **韶朱子儀禮經傳通解析諸篇之記分屬經文葢** 丽 實 稨 此本亦有 一級之 經 自為記 門 經傳混淆為朱子未定之稿故是 稱 24 人繼之 詑 末 傳注 初不 附 卷蓋終以卷軸太重不得已而分之 錄 勘正監本 依 傳寫混淆者則從蔡沈考定武成之 因の不 得不權立此 Hij 鄭氏之舊其士冠士 無書豈總錄但据 改非朱 石 經補顧炎 例 子之本意吳澄亦 以便尋省惜未卒 沪 国 一錄載之 編 相見残服 張爾岐之 經自 為 剎

服 說禮之 朱車垓撰垓字經臣天台人咸淳中由特奏名 疏之意失之者亦 儀禮圖久行於世然其說皆本注疏而時有併 謹嚴無淺學空腹高談 例别定次序於後而不敢移易經文其持論頗 一詳雖持論時有出入而可備參考者多在近時 制 附 通釋七 錄 家固不失為根據之 ラニ 卷 採兩 進淮 本鹽 禮類二 政 是正至於諸家謬誤辨 輕 排鄭賈之錮習又楊 學矣 <u>P</u> 訌 復 証 爲

服大功而殤者降服小功應服小功而殤者降 日車 服降服皆推闡明晰具有條理牟楷序謂家禮 所未備有圖有說有名義有提要凡正服義服 **<b>埴受業於朱子故垓是書** 所當然此釋其所以然葢不誣也朱髮尊經義考 從兄若水皆受業於季父安行安行受業於陳埴 迪功耶浦城縣尉以年老不赴德祐一 二殤以次降服應服期而殤者降服大功小功 氏書余所 高級二二二級時 儲者關第八卷以後卷八書目 一仿文公家禮 一年卒攻及 而補其 應

大至马拉色等是了

艺

讀禮通考 イナイト 國朝徐乾學撰乾學字原 裳之 皆與葬尊本 垓行狀其深衣疑義本別為一 丽 **總麻卷九為深衣疑義其標題則仍稱九卷註存** 八八三二十二八八八二一 離数二 百二十 卷江蘇巡

戊進士官至刑部 之後良驥所舉用皇氏廣頭在下之注以續 不注關蓋未敢斷後二卷之必失然今所傳寫 上衣之旁者說亦頗核惜其全文不可睹也 同則此二卷已佚矣據馬良驥所 尚書是編乃其家居讀禮時 巡撫 號健巷崑山人康熙庚 書特附錄於此

死世明正 三十 以前 儀節 服 儀 做朱 於儀禮 制 濉 、諸書立 喪制 則 歸 丧具則有 日改儀節 田以後 書 本 殁 經 7.0.. 日廟制 抻 綱統 JE 傅 服士丧既夕 於當代而 史祭以通典 迎 嗣後 (加訂 四 解兼採泉說剖 目 凯 丧 其 日葬考五 (期歴代) 析 定積 條分頗 端 、士虞等篇及大 塒 有 及開 一餘年 通經學古之 異 E 為詳 丧 元禮政 同 析其義於歷代 则 具 î 備濫 有 丧 易葉而 表改 和 日 圳 乾學 變禮 戴記 五禮 服 如 日 後 丧 新 圳

西美口 五人電景里 一人先二十 石禮類儀禮之 獨過諸儒乾學又欲并修吉軍 若璩等亦多集其門合衆力以為之故博而 而殁然是書蒐羅富有秦蕙田 **放從其本而類附也** 於儀禮葢言喪服者大抵以儀禮為 卷皆交淵 愿 (專言喪服)而古來喪服之書 古今言丧禮者恭莫備 禮類 部三 百四十 賓嘉四禮方事 五禮通考 蹉 卷附錄 於是 削 例 柢, 因 排